

見嬰兒弄影 雅詠高吟叫笑清風皓月吹臨分開傳作紫共
金艷迸千花萬錦 酒飲清光滑辣果餐軟美香甜兩般每日
做抽添八味依時給贍 信步六街走徧須尋七寶粧嚴三田
九轉似銀蟾一性孤靈有驗 人要修行猛做我心除盡堪爲
不將筋力謾胡施閑裏真清漸白 白雪變成姹女黃芽養就
嬰兒兩般消息有誰知悟徹分明便是 酒飲清光滑辣肉餐
軟美香甜世間迷誤總無厭箇箇臨頭路險 獨我悟來口遠
唯余省後心嫌十分戒行愈精嚴沒分艷都赴點 悟徹兒孫
偉貌奪衣日奪殮肴笑欣悲怨類咆哮正是豺狼虎豹 不與
同居打鬧回頭便載青包任隨雲步訪三茅同話清虛道教

道藏輯要

重陽全真集

三

中胃集一
卷上十

行香子

一鼓纔鳴水德行香看烏龜波上呈祥鼻全喘息眼眩昭彰會
戲澄濤遊澄浪隱澄江 黑霧凝凝充滿皮囊牢封繫信任飄
颺沖和上下流轉邊旁便變成雲結成蓋積成霜 二鼓纔交
金德行香虎兒上坐箇嬰兒腰懸白刃手執青鋼把百魔驅千
魔勦萬魔亡 廣現森羅徧吐銀芒斗辰端拱正魁罡西南的
位指出芬芳得善因開良因闡吉因昌 三鼓纔分火德行香
月初端正照心王紅紅赫赫煒煒煌煌見本真生靈真慧太真
匡 三處均勻一路平康靚青天瑞靄舒張縱橫攢聚能罩圓
方早弄珪環持珪璧執珪璋 四鼓纔平木德行香青龍上坐

箇嬌娘口噴赤氣身挂朱裳更戴瓊花餐瓊藥飲瓊漿 往來
諧歡交媾相當欣然用顛倒陰陽衝開卯甲日放晶陽袞大明
珠通明焰過明堂 五鼓纔成土德行香偏能將四象包藏如
今盡顯聚在中央沒白歸青紅歸黑不歸黃 已證空虛便出
崑岡金童來祕語宣揚天皇賜詔授與風狂永處清閑常清靜
得清涼

又 自詠

有箇王三風害狂顛棄榮華乞化爲先恩山愛海猛捨俱捐也
不栽花不料藥不耕田 落魄婪耽到處成眠覺清涼境界無
邊蓬萊穩路步步雲天得樂中真真中趣趣中玄

道藏輯要

重陽全真集

三

中胃集一
X 8 12

又 贈弟子

再索新詞不寫藏頭分明處說箇因由諸公不省尙自相求被
風流事常汨沒幾時休 悟取玄機認取持修丹成後神氣精
收前程穩路三島十洲你早回頭應與我共同遊 如要修持
依恁相當出真慈真慧無方上從父母下順兒娘待放瓊花飄
瓊屑飲瓊漿 做就金園建起瑤房這朱郎常熱心香命聲響
嘹性韻玎璫便得清冷成清淨處清涼 要飲香津睡盡稠黏
將華池神水相兼東西澆溉上下抽添便景星呈明月正太陽
暹 漸入亨通方識甘甜器珍成不用鎚鈴閑中轉寂靜裏加
恬得住晴空居物外出山尖